

# **OHH!! LAILATUL QADAR...MALAM NI KE??**

## KEPENTINGAN

- ✓ **Lailatul Qadar** atau **Malam al-Qadar** telah diketahui umum sebagai malam yang amat istimewa buat seluruh umat Islam. Ia berdasarkan ayat al-Quran dari surah al-Qadr . Firman Allah SWT :  
Ertinya : "**Malam Al-Qadar lebih baik dari seribu bulan**" (Al-Qadr : 2) .
- ✓ Di Malam ini jugalah Nabi SAW bersungguh-sungguh beribadat melebihi malam-malam Ramadhan yang lain. Disebutkan di dalam sebuah hadith :-  
Ertinya : **Adalah Nabi SAW, beribadat dengan (lebih) bersungguh dan kuat di sepuluh malam terakhir Ramdhan, tidak sebagaimana baginda di malam-malam yang lain** ( Riwayat Muslim, no 1175 )

## KHILAF (BEZA PENDAPAT)

1. **TANDA-TANDA MALAM AL QADAR** - tanda ini juga adalah amat sukar menjadi tepat kerana suasana dan cuaca sesebuah negara adalah berlainan. Jawabnya, tanda-tanda ini hanyalah contoh yang berlaku di zaman Nabi SAW dan tidak lebih dari itu.
2. **BEZA TARIKH MULA RAMADHAN** - jika negara Arab memulakan puasa pada tarikh yang berbeza dengan negara-negara di Nusantara. Justeru, pada malam ganjil menurut kiraan Malaysia atau Saudi ?. Hal ini sukar diputuskan oleh para Ulama. Sudahnya, mereka menyarankan agar dihidupkan seluruh malam sahaja.
3. **BILA BERLAKU** - sebahagian ulama mengatakannya bersifat **tetap** pada setiap tahun iaitu pada **malam 27 Ramadhan**, manakala majoriti ulama termasuk Imam An-Nawawi As-Syafie pula berpendapat ianya **bertukar-tukar pada setiap tahun** dan tidak kekal pada satu tarikh (Al-Majmu' 6/450). Selain dari itu, berdasarkan dalil hadith al-Bukhari, kemungkinan terbesar adalah jatuh pada tujuh malam terakhir iaitu samada **25, 27 atau 29 Ramadhan** berdasarkan sabdaan Nabi SAW:-

أرى رؤياكم قد تواطأت في السبع الأواخر ، فمن كان متحريها فليتحرها في السبع الأواخر

*Ertinya : Aku lihat mimpi kamu (sahabat) telah menepati di tujuh malam terakhir, sesiapa yang mencarinya, maka carilah ia di tujuh malam terakhir" ( Riwayat al-Bukhari , no 1911 & Muslim)*

## WAKTU TERBAIK BERDOA

Waktu berkat lagi makbul ini adalah **luas sepanjang malam**, ia telah disebutkan oleh Allah dengan jelas iaitu :-

سَلَامٌ هِيَ حَتَّىٰ مَطَلَعِ الْفَجْرِ

**Ertinya : Malam itu (penuh) kesejahteraan sampai terbit fajar ( Al-Qadr : 5 )**

Ini yang diterangkan oleh Imam Al-Qurtubi di dalam kitabnya. (Al-Jami' Li Ahkam al-Quran, 20/134 )

## WANITA HAID TERHALANG DARI KEBERKATAN LAILATULQADAR?

Adakah wanita sedang haid terhalang dari keberkatan lailatul Qadar?. Sudah tentu jawabnya **TIDAK**, Allah s.w.t Maha Adil. Bagi wanita sedang uzur pelbagai amalan dan ibadah yang masih boleh dilakukan seperti :-

- 1) Berzikir
- 2) Berdoa
- 3) Membawa terjemahan Al-Quran serta memahaminya.
- 4) Mendengar bacaan Al-Quran oleh suaminya, adik beradik atau dari kaset.

Sekian.

*Sumber;*

Zaharuddin Abd Rahman  
<http://www.zaharuddin.net/>  
 20 Ramadhan 1428 H  
 2 Oktober 2007

**“AGAMA DIJUNJUNG, PJK TERBILANG”**

Disediakan oleh;

**Biro Agama  
 Persatuan Kakitangan Politeknik Jeli (PKPJ) 2015**